

Saksbehandlar: Sissel Brusegård, Opplæringsavdelinga
 Sak nr.: 16/3891-2

Søknad om godkjenning - Securitas AS opplæringskontor

::: Sett inn innstillingen under denne linja ↓

Fylkesdirektøren rår fagopplæringsnemnda til å gje slik tilråding:

Securitas AS opplæringskontor, Urtegata 9, 0187 Oslo, vert godkjent som opplæringskontor i Sogn og Fjordane i sikkerheitsfaget.

::: Sett inn innstillingen over denne linja ↑

... Sett inn saksutredningen under denne linja ↓

Vedlegg:

Søknad frå Securitas AS
 Brev frå utdanningsdirektoratet datert 17.06.2015

SAKSFRAMSTILLING

1. Bakgrunn for saka

Securitas AS opplæringskontor, Postboks 35 Grønland, 0133 Oslo søker i brev av 26.04.2016 som godkjenning som opplæringskontor i sikkerheitsfaget i Sogn og Fjordane. Securitas AS opplæringskontor søker om godkjenning i fleire av landets fylkeskommunar. Securitas AS opplæringskontor har som mål å ha 100 lærlingar innan hausten 2016.

Historikk

I Sogn og Fjordane er det i dag registrert 13 opplæringskontor med adresse i Sogn og Fjordane, og 13 kontor med adresse i andre fylke. Dei fleste av kontora i Sogn og Fjordane er fylkesdekkande bransjekontor innanfor sitt programområde. Kontora med adresse utanfor fylket er i hovudsak godkjende for fag som ikkje har opplæringskontor i Sogn og Fjordane. Securitas AS opplæringskontor er fysisk plassert i Oslo. Securitas AS opplæringskontor ynskjer samarbeid med fire bedrifter; Securitas AS, Securitas Transport and Aviation Security AS og PSS Securitas AS, Securitas Services AS.

Retningslinjer for godkjenning av opplæringskontor

§ 4-3 i opplæringslova omhandlar godkjenning av lærebedrifter. Denne paragrafen vart endra med verknad frå 1.8.2007, slik at det no er fylkeskommunen som godkjenner lærebedrifter. I lovteksten heiter det:

“Som lærebedrift kan godkjennast private og offentlege verksemder og organ for samarbeid mellom bedrifter som i fellesskap tek på seg opplæringsansvar (opplæringskontor eller opplæringsring)”

Vidare heiter det i same §: “Lærebedrifta må vera fagleg vurdert av yrkesopplæringsnemnda før fylkeskommunen kan godkjenne bedrifta”

For at eit opplæringskontor skal bli godkjent må dei enkelte bedriftene som inngår i kontoret vere godkjende av fylkeskommunen. Ei lærebedrift må kunne gje ei opplæring som tilfredsstillar krava i forskrifter etter §3-4 i opplæringslova om innhaldet i opplæringa. Når lærebedrifta er eit opplæringskontor skal dei samarbeidande bedriftene dokumentere at dei samla tilfredsstillar krava i forskriftene etter § 3-4.

Opplæringskontor skal ha vedtekter som fastset tilhøvet mellom kontoret og medlemsbedriftene. Vedtektene skal fastsetje kva den enkelte bedrifta skal gi av opplæring, og deling av tilskotet mellom bedriftene.

Ei lærebedrift, her opplæringskontor, skal ha ein eller fleire fagleg kvalifiserte personar (fagleg leiar) som har ansvaret for opplæringa og at opplæringslova med forskrifter vert oppfylte. Det er lovfesta krav om ein eller fleire instruktørar i kvar enkelt bedrift.

Lokale retningslinjer

Fagopplæringsnemnda i Sogn og Fjordane vedtok i sak 06/10 lokale retningslinjer for handsaming av søknad om godkjenning av opplæringskontor.

Dei lokale retningslinjene er tufta på opplæringslova, og består av fylgjande 8 punkt:

1. Opplæringskontor må ha vedtekter som fastset forholdet mellom kontoret og medlemsbedriftene. Desse skal fastsetja kva den enkelte bedrift skal gje av opplæring, og avklara deling av lærlingtilskotet mellom bedriftene. Vedtektene for opplæringskontoret skal ligga ved søknaden (jf. § 4-3 i opplæringslova).
2. Det skal gå tydeleg fram kva fag det blir søkt om godkjenning for.
3. Den enkelte medlemsbedrift i Sogn og Fjordane som inngår i opplæringskontor, må vera godkjend av fylkeskommunen.
4. Opplæringskontor som er lokaliserte i andre fylke skal ha lokal kontaktperson når dei søker godkjenning i Sogn og Fjordane.
5. Det er sterkt ynskje om at arbeidstakarsida og lærlingane er representerte i styret i opplæringskontoret.
6. Det er ynskje om samarbeid med andre opplæringskontor i fylket.
7. Før godkjenning av nye opplæringskontor heimehøyrande i Sogn og Fjordane skal Fagopplæringsnemnda gje fagleg vurdering.
8. Endringar i desse retningslinjene skal leggast fram for fagopplæringsnemnda.

2. Vurderingar

Kriteria for godkjenning finn ein i opplæringslova § 4- 3, samt lokale retningslinjer for godkjenning:

- Fagopplæringsnemnda må gi fagleg vurdering før godkjenning
- Kvar medlemsbedrift må vere godkjend av Sogn og Fjordane fylkeskommune
Opplæringskontoret må stette krava i forskrifta til § 3 – 4 i opplæringslova (innhald i opplæringa)
- Opplæringskontoret må ha vedtekter i tråd med krava i opplæringslova
- Opplæringskontoret skal ha ein eller fleire fagleg kvalifiserte personar – fagleg leiarar
- Alle medlemsbedrifter skal ha instruktør
- Opplæringskontoret vert vidare oppmoda om å ha representasjon frå tilsette og lærlingar i styret, samt at det vert etablert samarbeid med dei andre opplæringskontora i fylket
- Opplæringskontoret må ha ein lokal kontaktperson i Sogn og Fjordane

Securitas AS opplæringskontor har utarbeidd vedtekter som ligg ved søknaden om godkjenning. Etter fylkesdirektøren si vurdering verkar desse gjennomarbeidde og utfyllande og dei tilfredsstillar krava i opplæringslova. Når det gjeld krava i dei lokale retningslinjene er dei fleste punkta oppfylte med unntak av følgjande:

- Securitas AS opplæringskontor manglar lokal kontaktperson i Sogn og Fjordane, jamfør punkt 4.
- Det er uklart i kva grad opplæringskontoret har lærlingrepresentant i styret, jamfør punkt 5.

3. Konklusjon

Fylkesdirektøren for opplæring tilrår at Securitas AS opplæringskontor vert godkjent som opplæringskontor i Sogn og Fjordane men oppmoda Securitas AS opplæringskontor at lokal kontaktperson vert oppnemnd.

[... Sett inn saksutredningen over denne linja ↑](#)